

# الطريق إلى حسن الخاتمة \_ لايف الإثنين \_ من القلب للقلب [] - م

علاء حامد

علاء حامد

الحمد لله وشهد ان لا الله الا الله وحده لا شريك له. وشهد ان محمدا عبده ورسوله صلى الله عليه وسلم اما بعد انا ازعم في البداية وانتم قولوا لي رأيكم في اللي انا بقوله ده دلوقتي - [00:00:00](#)

ان ما فيش ناس على مدار التاريخ قامت عليهم حجة الله سبحانه وتعالى في موضوع الخواتيم مثلنا يعني احنا اكتر ناس في التاريخ شافت خواتيم وقامت علينا الحجة بهذه الخواتيم - [00:00:19](#)

ولم تقم على احد مثلنا ليه انا بقول الكلام ده زمان كان اللي عايز يشوف خاتمة او اللي ربنا يكرمه يشوف خاتمة كان في العادة يا اما بيحضر ميت او يحضر آآ احتضار - [00:00:43](#)

او يعني ربنا قدر له يشوف حادسه يشوف حد مات ف بتبقى اه ف بتبقى العملية في في حدود آآ بيشوف خاتمة اتنين ثلاثة في حياته كلها وبيفترها وبيعدها لكن احنا دلوقتي - [00:00:57](#)

اصبحنا مع وجود الكاميرات والتواصل وسهولة نقل الفيديوهات مع وجود الكاميرات المالية الشوارع والمساجد والمسارح والكباريهات والمطاعم بقينا يكاد ما فيش حد بيموت برة بيته الا وبيتشاف. يعني وبيسجل لايف ازاي مات - [00:01:17](#)  
وبقيت انت دلوقتي العادي بتاعك. ان انت بتقلب كل يوم في الصفحة بتاعتك في بتاعتك. يكاد يكاد كل يوم بتشوف خاتمة اتنين ثلاثة مجرد بس ما بتفتح الصفحة بتشوف اللي مات وهو ساجد بتشوفه لايف بيموت وهو ساجد. زي ما انا نشرت لكم آآ الفيديو الاخير دوت. بتشوف - [00:01:44](#)

اللي مات وهو بي Flem جرعة زائدة من المخدرات واصحابه هم اللي مصوريته. بتشوف اللي كان في المسجد بيصلّي في الصف سجد ما ده شايفينه لايف بالكاميرا متسجل كل حاجة. بنشوف - [00:02:09](#)

اللي مات على مسرح وهو بيغبني. بنشوف يعني كل حاجة يعني. يعني يكاد خلاص كل حاجة بقت عالانية ما بقاش فيه خاتمة تقريبا بتخفي علينا. وكل حاجة متتصورة. انا فاكر زمان لما كنا نعمل درس دعوي - [00:02:26](#)  
آآ عايزين مسلا نأسر على الشباب وكده. فكنا بنحاول نعمل لهم درس مسلا في في حسن الخاتمة وسوء الخاتمة والكلام ده. انا فاكر كان لي درس قديم كده يعني ما اتسجلش يعني - [00:02:45](#)

آآ كنت بايه آآ بجipp مقاطع من على النت كده آآ فيها الخواتيم واحاول ايه اثر بها على الشباب. انا اذكر زمان يعني الدرس ده مسلا كان من خمستاشر اهلا وسهلا. آآ كنت بادور بصعوبة يعني عشان الاقي على النت خواتيم. كان هي محفوظة وما فيش غيرها معروف كم فيديو كده معروفين. لا دلوقتي اكتب بقى - [00:02:55](#)

خواتيم اكتب مات وهو يصلّي اكتب مات وهي ترقص اكتب مات وهو مخدرات هتلaci مئات الفيديوهات الان موجودة على قضية الخواتيم ديت فالى متى يعني احنا بنشوف كل يوم كل يوم والموضوع وصل لصحابك وقرايبك وناس معارف بتشوف اللي عاش - [00:03:18](#)

لحاجة فعلا مات عليها. بتشوف فعلا يعني حاجات انا واحد قال لي ويمكن انتم حد فيكم حس الموضوع ده. قال لي عارف الشيخ الفيديو الاخير اللي انت نشرته بتاع الشاب اللي مات وهو ساجد - [00:03:38](#)

انا بكيت فيه قال لي انا شفت فيديوهات كتير خواتيم سيئة ما بكتش بس لما شفت الشاب ده بيموت وهو ساجد بكيت لأن انا اشتقت ان انا انا لي المنزلة ديت - 00:03:54

خايف مش خايف من سوء الخاتمة على قد ما خايف ان انا اترحم من حاجة جميلة زي ديت. ان انا اقصر تقصير حتى لو مت كويس او بخير اترحم من حاجة كانت اعلى. كانت اجمل. كان ربنا ممكن يوصلني لحاجة اعلى. بس انا بتقصيري اترحمت منها. فيه ناس بيأثر فيه الخاتمة الحسنة اكتر من الخاتمة - 00:04:13

ودول اولياء الله اللي هم فعلا بيدوروا على الدرجات. مش بيدور ان الدنيا تمشي والسلام. لأ بيدور انا ازاي اعلى ازاي اوصل لاعلى درجة عند الله سبحانه وتعالى فلما بيشوف حد سبقه ولو بسجدة ده بيحزنه - 00:04:33

وبيخليه يتألم ويتحسر على نفسه مش مسألة حتى لو هو رجل صالح بس يقول لي ياه! هو فيه حد كده! هو انا ليه مش كده! انا امتنى هابق زي الناس دي! انا ازاي اوصل لكده - 00:04:50

وده اللي بيخلينا نبدأ بدياتنا النهاردة مع الاية العجيبة التي في كتاب الله سبحانه وتعالى قول النبي قول الله سبحانه وتعالى يا ايها الذين امنوا اتقوا الله يا ايها الذين امنوا - 00:05:03

اتقوا الله حق اوقاته ولا تموتن الا وانت مسلمون. انا عايزك تركز في الاية دي قوي وايضا قول يعقوب لبنيه ان الله اصطفى لكم الدين فلا تموتن الا وانت مسلمون - 00:05:22

هنا نيجي سؤال مهم جدا ايه هو السؤال؟ السؤال ازاي ربنا يأمرنا بحاجة هي مش في مقدورنا دلوقتي يعني ايه؟ يعني ربنا بيقول لا تموتن الا وانت مسلمون. هو السؤال هو انا ينفع اختار موتي؟ يعني انا ينفع - 00:05:41

ان انا اختار الموتة اللي هاموتها. هو انا ينفع احدد ان انا هاموت مسلم ولا لأ؟ ده ما اقدرشن عليه. انا ما اعرفش هموم امتنى. فازاي احدد - 00:06:02

الحالة اللي هاموت عليها ازا كان المعاد نفسه مغيب بالنسبة لي. فده المفروض يستفزك. يعني الاية دي تستسيرك. ليه؟ ازاي ربنا بيقول لنا موتوا على حال معينة انا ما اعرفش هموم امتنى - 00:06:12

وبالتالي حاجة زي كده بتخليك تفكير هو الامر ده بيتنفس ازاي يعني ربنا بيقول لنا لا تموتن الا وانت مسلمون. ازا في حاجة وراء الامر دوت قابلة للتنفيذ تساعد على تنفيذ هزا الامر - 00:06:25

ايه هي الحاجة دي؟ الحاجة دي عيشوا على الاسلام تموت على الاسلام. عيشوا على التوحيد تموت على التوحيد. عيشوا على الطاعة تموتوا على الطاعة. وايضا اية تانية بتلتفت انتبهاك جدا في سورة اخر سورة الانعام. قول الله سبحانه وتعالى - 00:06:42

قل ان صلاتي ونسكي ومحياي ومماتي لله رب العالمين اه لو الليف قطع لاي سبب يا جماعة هتلaciيني ايه هعمل لاييف تاني على طول بعديه وتخشوا عليه على طول. هتلاقوا افتح لاييف تاني. لا قدر الله يعني ان شاء الله ما يقطعش - 00:07:00

قول الله تعالى قل ان صلاتي ونسكي ومحياي ومماتي لله رب العالمين. طيب نمسك كلمة كلمة. قل ان صلاتي اصلي لله. ماشي ونسكي نسكي بقى عبدي زيحي لله. ماشي. ومحياي لله ماشي. بس مماتي - 00:07:19

ازاي ربنا بيقول مماتي لله. طب انا انا اصلا لا املك موتي. ولا اعرف متى اموت. ازاي ازبط ان مماتي لله بقى ده بيخليلك تفتح افاق تفكير هو ليه ربنا امرنا بامر - 00:07:38

احنا اصلا ما نملوكش لا يبدو انا نملكة. كيف نملكة؟ نملك ان نعيش من حق قل ان صلاتي ونسكي ومحياي حق الله له مماته قل ان صلاتي ونسكي ومحياي حق الله له الرابعة. بقاعدة عظيمة جدا في الاية ديت. حق الثلاثة ربنا يكرمك بالرابعة - 00:07:53

تاني اكتبوها ديت واحفزوها. قل ان صلاتي ونسكي ومحياي ومماتي لله رب العالمين. القاعدة حق اول ثلاثة ربنا يكرمك بالرابعة تعيش لله نسك لله صلاة لله اخلاص ربنا سبحانه وتعالى يكرمك ان تموت على على ما عشت عليه - 00:08:14

تمام يا احباب؟ فده من الحاجات اللي بتخليك يعني تفكرا ازاي انا فعلا اختار ميته لله سبحانه وتعالى ان الذين قالوا ربنا الله ثم استقاموا تتنزل عليهم الملائكة الا تخافوا ولا تحزنوا وابشروا بالجنة - 00:08:38

التي كنتم توعدون. والنبي عليه الصلاة والسلام يقول ان الله اذا آآآ احب عباده عسله. عارفين في الحديث ده جميل قوي قال النبي عليه الصلاة والسلام ان الله اذا احب عباده عسله - 00:08:56

قالوا وما عسله؟ يعني ايه عسله وقال النبي صلى الله عليه وسلم يوفقه لعمل صالح ثم يقبضه عليه. طب امته ربنا يعمل معك كده - 00:09:13

ده بيرجعنا لنفس النقطة. انا عايز اختار دي عايز يبقى مماتي لله. ازا؟ اذا احب الله عباده طيب ربنا يحبني ازا؟ حاجات كتير بقى. شف كل الصفات اللي ربنا بيحبها في القرآن والسنة. بس من الحاجات المهمة جدا اللي احنا حافظينها. قول الله - 00:09:35  
سبحانه وتعالى في الحديث القدسي ولا يزال عبدي يتقرب الي بالتوافق حتى ايه؟ احبه. ما تقرب الي عبدي بشيء احب الي ما عليه. ولا يزال عبدي يتقرب الي بالتوافق حتى - 00:09:52

احبة يبقى مجرد ان انا اعيش بعمل الفرائض واعيش بطبق سنن ده يخلي ربنا يحبني. طب لو ربنا حبني من ثمرات ان ربنا يحبني ان ممكن يحصل لي الحاجة ديت - 00:10:06

ربنا يعسلني. ما معنى عسله؟ يوفقه لعمل صالح ثم يقبضه عليه. يقبض عليه. فنسأل الله سبحانه وتعالى ان معملنا جميعا ربنا يعسلني. ويا رب يعسلكم. ويا رب يقبضنا على عمل صالح ويكرمنا به. اللهم امين. طيب - 00:10:19

آآ مسألة مهمة يعني عشان برضو بعض الناس بتقلق من الموضوع دوت. بعض كان جالي برضو سؤال شاب قال لي هو انا هو آآ انا هو لو واحد قبل ما يموت - 00:10:42

ما قالش لا الله الا الله. هل دي خاتمة سيئة؟ هل كده مش كويسي يعني؟ مات عادي يعني مات مات على فراشه عادي. دي مسألة مهمة جدا. عشان برضو ما نخوفش - 00:10:52

الناس قوي يعني. هل معنى ان انا ما متتش ساجد او ما متتش قائم او ما متتش بادعوا الى الله او ما متتش بقرأ في المصحف؟ انا كده مش كويسي انا مت على سيريري عادي ما فيش اي حاجة - 00:11:02

هنا يا جماعة الخواتيم تنقسم الى ثلاثة انواع. هناك خاتمة ظاهرة الحسن وهناك خاتمة زاهرة السوء وهناك خاتمة صامتة خاتمة زاهرة الحسن اللي احنا عارفينها مات ساجد مات راكع مات بيقرأ قرآن الكلام دوت - 00:11:12

خاتمة زاهرة السوء مات بترقص مات بيغبني مات بيشرب مات بيذنبي مات بيعمل عادة السيئة ده زاهرة خاتمة خاتمة زاهرة السوء في بقى في النص ما بينهم الخاتمة الصامتة. ايه الخاتمة الصامتة دي؟ اللي هو لا كده ولا كده. يعني هو ما عملش حاجة يعني جامدة كده قبل ما يموت ما قلش لا الله الا الله ومات مسلا - 00:11:31

ما كانش بيقرأ في المصحف ومات لأ. هو راجل عادي جدا قعد على كرسي مات. آآ كان ماشي في الشارع خبطته عربية مات. يعني ما فيش ما فيش حاجة حصلت او زي زات شأن يعني. هنا الخاتمة الصامتة دي ما تخافش. يعني هنحسب صاحبها على ايه؟ او يغلب على زننا ايه؟ ان هو تمام كده ولا مش تمام - 00:11:51

هنا هنرجع الى شهادة الصالحين عنده شهادة مين؟ الصالحين تاني شهادة الصالحين عنه. فاذا شهد له الصالحون والناس الطيبة بانه رجل طيب وصالح فانه كذلك عند الله تعالى. نرجو له ذلك. واما اذا شهد له الطيبون الصالحون بانه كان شخص ظالم شخص مؤذن شخص مفسد. شخص سيء - 00:12:11

خلق شخص لا يتحمل للاسف هذا شأنه عند الله. مرت جنازة على النبي عليه الصلاة والسلام والصحابة اثروا عليها خيرا. فقال النبي وجبت. ثم جنازة ثانية فاثروا عليها شرا ف قال وجبت. قالوا يعني ايه وجبت يا رسول الله؟ قال اما الاولى فاثنتين عليه خيرا فوجبت له الجنة. واما - 00:12:39

الثانية فاثنتين عليها شرا فوجبت لها النار انتم شهود الله في الارض. طبعا والشاهد ده لازم يكون فيه شروط. الشاهد ده لازم يكون رجل عدل صالح راجل طيب تمام فالله يعني ان من الحاجات اللي تساعدني ان ربنا يجعل مماتي لله انه يعسلني وكيف يعسلني - 00:13:01

ارسلني اذا احبني وكيف يحبني يحبك اذا التزمت الفرائض واجتنبت المناهي وفعلت المستحبات وترك المكرهات الامر سهل لكن يعني الموضوع مش معجزة يا جماعة. والله بنشوف ناس عادية خاتمها جميلة. بس عادية يعني ايه؟ يعني راجل كوييس بيعمل الفرائض. يعني انا عايز اقول لك حاجة مهمة. ان موضوع الخاتمة الحسنة مش لازم تبقى حاجة سوبر يعني - 00:13:21 مش قادر يبقى فظيع لأن بعض الناس بيعقدوها على نفسه. فاكر ان انا عشان آآ اخذ الخاتمة دي لازم بقى ابقى حاجة رهيبة جدا. آآ انك انت تبقى رجل صالح. تبقى امرأة صالحة - 00:13:46

النبي عليه الصلاة والسلام يوصي المرأة الممتازة جدا. اذا صلت المرأة خمسها واطاعت زوجها وصام صامت شهرها. واطاعت زوجها حصنت فرجها خلال بتطييع الزوج تصلی خمس صلوات في وقتها بخشوع وتدبر بتصوم رمضان وتحصن فرجها بكل معاني تحصين الفرج - 00:14:01

يعني لا بتعرف ولاد ولا بتصاحب ولا بتتلمس ولا بتزني ولا فواحش ولا اباحية ولا بقى مقدمات ذلك ولا متعلقة بمعنى ولا بقى شغل البي تي اس ومصاحبة ومعلقة واحد في البي تي اس ومعلمة عليه - 00:14:25 حصنت فرجها. قيل لا ادخل الماء ولا الجزء. انا بقول لك ليه ده انا بفتح لك باب الامل يعني. يعني يعني والله شفنا ناس عادية جدا ناس طيبة خالص ختم لها - 00:14:44

خواتيم فاخرة للغاية. ويرضو حنضييف بعض الاسرار واحنا شغالين بس ايه خلينا نركز مع بعض طيب آآ في بعض الناس احكي لكم شوية قصص كده عشان تتشوق بس واحيانا القصص بتبقى ابلغ من الموعظة نفسيا - 00:14:54 وعشان تربط بين القصة وبين وبين الشخص نفسه هحكيك بعض القصص المعاصرة وبعض القصص الایه الصحابة اول حاجة كان رجل آآ باكستاني يدعى نادر شاه راجل باكستاني دي قصة كده - 00:15:23

سبحان الله يعني كان الناس هو كان سواق سواء في باكستاني في السعودية سواء وكان اللي بيركب معه بيتعجب منه جدا بيقول ما يعني كل راعي كان معه يقول هذا رجل عجيب في امر الصلاة - 00:15:51 ازا حضرت الصلاة مهما كان المسافة مهما كان الجو مهما كان الوضع مهما كان اي شيء يركن ويقف ويصلی لازم عنده تعظيم عجيب لامر الصلاة حضرت الصلاة يصلی على طول - 00:16:07 ما يقصر في الصلاة. فجر ضهر عصر عشا ومهما كان برد مطر ما يفرق معه حافز على الصلاة جدا هذا الرجل يحكون عنه انه في يوم من الايام في صلاة الفجر ركن سيارته - 00:16:30

نزل يصلی ومات وهو ساجد مات وهو ساجد هل احكي لكم قصة سمعتها باذني من اه جار لي سبحان الله يعني لي جار اخ ملتزم يعني بيعمل في المعمار بيعمل في المعمار شغال في - 00:16:51 على مين شغالين هم في العلمين بيبنوا آآ مدن وكده يعني جاعني يوم بيكي بيكي قلت له في ايه؟ قال لي النهاردة شفت خاتمة اشعراني الى الان. يعني انا مش مش عارف مش قادر انا مش قادر اصدق - 00:17:17 ايه اللي حصل؟ تقولوا ايه اللي حصل؟ قال لي عندنا اخ يعني قعد يوصف لي ادبه واخلاقه حرصه على الصلاة وحبه لله سبحانه وتعالى. بيقول لي شخص عادي جدا عامل - 00:17:31

عامل في معمار. مش بقول لك بقى لا شيخ ولا داعية ولا الاخت فلانة ولا المحفظة مش ضروري مش ضروري. بيقول لي عامل عامل عندهم في المعدة عمار عادي جدا. بيقول لي يعني يعني بس كان يعني تشوفه فعلا فعلا بیحب ربنا. وفعلا بيموت في الصلاة. بيقول لي حصل حاجة - 00:17:41

عجبية يعني صعبه جدا ان هي تحصل. بيقول لي الرجل ده يعني حضرت الایه الصلاة فكان عايز يصلی يعني. فرش عادي كده وصلی. المهم ايه صلی في ايه يعني كان فيه معدة - 00:18:01

آآ معدة آآ الله يعني كبيرة جدا كده بتتسائل ان هي بتقاد كده لها جرارات تحت هو يعني خدها ستة وصلی اليها المهم سبحان الله ايه اللي حصل ان سواق المعدة ديت كان عايز يتحرك في اللحظة ديت والراجل ده يصلی. طبعا عشان هو سجد - 00:18:15

سجد ما كانش حد شاييفه في المراية ولا حد حاسس به. راجل شغل المعدة ورجع لورا بيقول لي داس بالمعدة على دماغه وضهره.  
وهو ساجد. بيقول لي والله المعدة طلعت من فوقه وهو منطبع على الارض ورأسه - 00:18:33

وانفه الى الارض كما كان ساجدا. والله شيء يقشعر جدا. بيقول لك راجل عامل في معمار ولكنه يحب الله سبحانه وتعالى تعالى نطلع  
بقي حاجة عالية شوية الى العلامة الامام الفخم ابن عثيمين رحمة الله سبحانه وتعالى عليه. ابن عثيمين ده - 00:18:53  
العجب العجاب بقى. ابن عثيمين يا جماعة طبعا مش محتاج يعني مش محتاج تقول مين ابن عثيمين الذي عاش طوال حياته يعلم  
الناس وييدعوا الى الله ويرفع الجهل عن الجهلاء ويدافع عن العقيدة وينصح ويربي ويؤدب ويصحح - 00:19:13  
نحو ويدافع ويفقه وفتاوي ابن عثيمين ملأت السهل والوادي. يعني ما في نعلم احد له فضل على آآ طلبة العلم في العصر حديث  
مسلسل هزا الرجل الفخم الضخم ابن عثيمين عليه رحمة الله. ابن عثيمين في اخر حياته مرض. عادي مرض دخل المستشفى. وكان هو  
- 00:19:33

طبعا يعني آآ له درس في الحرم سابت. وكانوا في رمضان في رمضان له درس في الحرم. فمرض فراح المستشفى. راح المستشفى  
بعد فيها سبع ساعات بالطبع. بعد ما قعد سبع ساعات حس ان هو فاق شوية. فقال رجعوني تاني. رجعوني تاني الحرم قد الدرس  
باتاعه - 00:19:53

باتاعي قالوا له يعني خلاص خليك في المستشفى. قال لي لا والله والله لاروح الحرم. واقسم عليهم وما يعرفوش يتكلموا معه. وفعلا  
خدوه غصب عنه. ما حدش يقدر يكسر كلام العثيمين - 00:20:12  
وراحوا به الحرم ودخلوا به الدكتورة والدكتورة محظتين عليه. وفعلا قعدوا جنبه وادي الدرس في الحرم ورا الدرس كان يخلص  
الدرس يرجع مستشفى. خلاص في المستشفى يجي وقت الدرس يروح الدرس. وبعد كده يرجع المستشفى. وهكذا كان ابن عثيمين  
بين المستشفى وبين الايه؟ الدرس - 00:20:22

مرة في اسناء درس الدرس طول. وكان الاطباء قالوا له احنا محتاجين دلوقتي حالا لان باين عليك في ارهاق محتاجين نعمل تحليل  
دلوقتي حالا. لازم تسيب درس ونرجع ناخذ منك عينة. قال انا مش هسيب الدرس خدوا العينة وانا شغال في الدرس. والراجل انا  
بقول لك دي بيحكها تلميذ من - 00:20:42

ميزة في فيديو بيقول الاطباء خدوا العينة والشيخ بيدي الدرس ولم يبالي ولم يلتفت اليهم. سبحان الله! ثم في اخر ليلة من رمضان  
وهذا من العجب اعجب ليلة. في اخر ليلة من رمضان مرض الشيخ مرض اشتد عليه الايه؟ اشتد عليه المرض. راح - 00:21:03  
آآ رجعوه تاني المستشفى. وبعد كده اتحسن شوية وفاقاً وبدأ يعني يلاقي نفسه شوية. قال رجعوني الحرم. قالوا له دي اخر ليلة يعني  
اخر ليلة قيل خلاص اخر تهجد اخر حاجة اخر درس مش ضروري. قال مش ممكن. وفعلا اصر وراح الحرم. الاطباء بيقولوا  
كانت حالته صعبة جدا لدرجة - 00:21:23

من الاطباء كانوا داخلين المسجد يومها ومعهم كل المعدات. مستعدين لاي حاجة. وكان الطبيب بيحط الاكسجين على اه فم ابن  
عثيمين ازا سكت واذا تكلم نزعه. يعني كان في الاخر في فتاوى. الشيخ كان بيجاوب على فتاوى. لما الراجل يسأله يحط له  
الاكسجين بسرعة. لما يجاوب - 00:21:43

قولوها له لما يتسأل يحطها له لما يجاوب يشيلوها له. وزل ابن عثيمين بيقولوا ادي درس من اروع دروسه في الايه؟ في اليوم دوت  
وكان اخر ليلة في رمضان. وبعد - 00:22:03

كده لما اخلص الدرس التفت للناس قال شفتم بقى كنتم هتضيعوا علينا الخير ده كله. رجع المستشفى ومن يومها ما قدرش يدي ولا  
درس ودخل في غيبوبة فترة الى ان لقي الله سبحانه وتعالى. الطبيب الملازم له بيقسم - 00:22:13

انه كان بيسمع ابن عثيمين وهو في الغيبوبة يعطي درسا كاملا درس ويفند ويحلل ويقول ادلة وهو تحت الغيبوبة الى ان مات رحمة  
الله تعالى عليه. مات بداء البطن ومات شهيد - 00:22:29

ويحكي تلميذ له يقول كنت مع ابن عثيمين يوما فقال لي يا بنى والله اني لاسأل الله ان اموت شهيدا فنال الشهادة رحمة الله سبحانه

وتعالى عليه. فهذا ابن عثيمين رحمة الله عليه. من الخواتيم العجيبة الفاخرة - 00:22:46

انا عائز اقول لك ايه في انا ليه بحكي لك الخواتيم دي؟ انا مش بحكي لك خاتمة حسنة بس لا في ناس اعلى من كده في ناس وصلوا الى مرحلة صناعة الخاتمة - 00:23:03

يعني ايه صناعة الخاتمة؟ يعني هو مختار الخاتمة بتاعتته يعني وصل لدرجة مع الله سبحانه وتعالى ان هو كمان مع حسن زنه يعني بالله سبحانه وتعالى بيقول يا رب انا نفسي في كذا - 00:23:17

وتحصل اقول لك حاجتين الاولانية عمر بن الخطاب رضي الله عنه وارضاه. عمر بقى عجيب اختار خاتمة يعني كأنه انا لما احكيها لك انت مش هتصدق. مش هتصدق كأنه بيرسمها رسم - 00:23:31

وكانه بيحدد ملامحها عمر بن الخطاب وهو ماشي مع تلميذ له اسلم فقال اللهم اني اسألك شهادة في سبيلك وموتي في بلد نبيك اللهم اني اسألك ايه؟ شهادة في سبيلك وموتي في بلد نبيك. فقيل له كيف ذلك؟ - 00:23:47

انتم عارفين المشكلة ازاي تموت في المدينة وتموت شهيد في نفس الوقت. هم فاهمين الشهادة يعني ايه؟ يعني في معركة. قتال. وما فيش قتال في المدينة. القتال بيقى خارج المدينة في الفتوحات - 00:24:10

ازاي تموت جوة المدينة وفي نفس الوقت تموت شهيد؟ قالوا ازاي اللاتنين دول يحصلوا؟ مع بعض فقال عمر يقدر الله على ذلك ان الذي جاء بعمر الى الاسلام وجاء بعمر من مكة الى المدينة قادر على ان يأتي لعمر بالشهادة الى المدينة - 00:24:22

هو عايز يموت شهيد وفي المدينة خد بقى الثانية خد بقى بقية الرسمة عمر في اخر سنة في حياته في موسم الحج سمعه احدهم يقول اخر سنة في حياته وهو في موسم الحج دعا دعوة - 00:24:43

قال اللهم اني اسألك اللهم قد كبر سني ورق عظمي وكبرت رعيتي وكبرت رعيتي. فاللهم اقبضني اليك غير مفتون. اللهم اقبضني اليك غير مفتون السنة دي هي دي اللي مات فيها عمر رضي الله عنه وارضاه. خد بقى الثالثة الاجمد - 00:25:00

عمر رضي الله عنه وارضاه كان عارف اصلا ان هو هيموت مقتول. لان النبي عليه الصلاة والسلام آا اشار اليه في احاديث فهم منها ان هو كده هيموت مقتول. فقال عمر يوما - 00:25:24

في حديث صحيح قال اللهم لا تجعل موتي على يد رجل سجد لك سجدة واحدة. اللهم لا تجعل الموتة على يد رجل سجد لك سجدة واحدة - 00:25:34

حصل ايه بقى يا جماعة؟ حصل ان عمر رضي الله عنه بعد موسم الحج مباشرة صلى الناس الفجر فطعنه ابو لؤلؤة الماجوسى ابو لؤلؤة الماجوسى فمات عمر مقتول ظلم وهذه شهادة. مات في المدينة مات في نفس السنة اللي دعا بها فاقبضني اليك غير مفتون - 00:25:50

قتله ابو لؤلؤة الماجوسى الذي لم يسجد لله سجدة واحدة عشان تعرف الناس بيتكلموا في ايه بس ده عمر احنا عايزين بس يعني ربنا يسترها علينا. بس انا بحاول ايه؟ احيانا التحفيف بيجي من قصة - 00:26:09

لازم نقدر ن Finch كتير خد الخاتمة الفاخرة ديت سعد ابن معاذ سعد بقى ايه اللي اهتز الموت عرش الرحمن؟ سعد بن معاذ اللي يوم ما اسلم اسلمت المدينة - 00:26:30

سعد معاذ بقى كان بييفصل برضو. فصصها خالص سعد ابن معاذ اشتراك في غزوة الاحزاب ضربه رجل بسهم فاصابه في ايه وريد كده عنده كانت اصابة في تحت كده في قدمه بس الاصابة ما كتش كبيرة يعني مش - 00:26:41

مش ما تموتش يعني المهم سعد بن معاذ لما شاف الدم كده وبتاع حسان دي اصابة فرفع يديه الى السماء قال اللهم ان كانت بص بقى للنقاوة تحديد الشديد اللهم ان كنت ابقيت حربا. انا عايزك تركز في في التفاصيل - 00:27:01

الله ان كنت ابقيت حربا بين نبيك وبين قريش فابقني لها فانه لا قوم احب الي من ان اقاتلهم من قوم كذبوا رسولك وادوه والله ان كنت انهيت الحرب بين نبيك وبين قريش فاقبضني اليك. خلاص كفاية كده. ولكن خد بالك من ولكن لا تمني - 00:27:21

لا تمني لا تمني حتى تقر عيني منبني قريزة.بني قريزة اليهود اللي خانوا النبي عليه الصلاة والسلام في الاحزاب. حصل ايه بقى؟

حصل ان فعلا فعلا يوم الاحزاب ده كان اخر معركة بين النبي عليه الصلاة والسلام وبين قريش بالفعل. ما فيش معركة  
تاني كانت بعد الاحزاب - 00:27:48

الحاجة الثانية ان النبي عليه الصلاة والسلام بعد ما فرغ من الاحزاب فعلا التفت لبني قرية وحاصرهم لدرجة لغاية ما انهم طلبوا  
الحكم وطلب لهم نفسهم طلبوا ان سعد بن معاذ هو اللي يحكم عليهم. فجابوا سعد بن معاذ وحكم عليهم ان تقتل الرجال وتسبي  
النساء والزرية - 00:28:08

فقال النبي عليه الصلاة والسلام لقد حكمت فيهم بحكم الله تعالى من فوق سبع سماوات. دخل سعد بن معاذ الخيمة بتاعته اللي  
يبيرض فيها فلما دخل الخيمة انفجر الجرح ومات سعد بن معاذ واهتز لموته عرش الرحمن. ايه ده - 00:28:28  
ايه ايه ايه ايه يا جماعة هو في ايه في اهنا فين من الناس ديت اهنا فين؟ من الخواتيم ديت. من عاش على شيء مات عليه.  
الشيخ عبدالحميد كشك امام المنابر ومن اعظم خطباء المعاصرین - 00:28:46

قام يوم الجمعة اتوا عشان يستعد لصلاة الجمعة اللي هو متعدد عليها. صلى ركعتين بعد الوضوء مات في الركعة الثانية وهو راكع  
الشيخ محمد الغزالى رحمة الله تعالى كان بيدعوا الله سبحانه وتعالى ان يموت في المدينة وان يدفن في المدينة. فكان اهله  
يقولوا له ازاي يعني انت راجل مصرى وعايش في مصر؟ زات الدفن في المدينة يعني. فكان - 00:29:02

في مؤتمر في الرياض مؤتمر في الرياض عن الاسلام وكده يعني. فكان مدعو اليه محمد الغزالى رحمة الله تعالى. وكان يتكلم اخر  
كلمة قالها يتكلم في قضية التوحيد ونشر لا اله الا الله. فلما انهى المحاضرة دخل في آآاصابته نوبة قلبية ومات على اثرها وامر -  
00:29:28

ملك بنقل محمد الغزالى الى المدينة ليدفر بجوار النبي عليه الصلاة والسلام بجوار الصحابة الكرام اه من عاش على شيء يا جماعة  
مات عليه. من عاش على شيء مات عليه. فانا - 00:29:48

خلينا نختصر عشان ما اطولش عليكم. ونقوله كيف نصنع الخاتمة الفاخرة؟ اول شيء ان تخلص الله في هذا الامر. وعموما يكون واحد  
الاخلاص. تمام الاخلاص تخلص الله في هذا الامر جدا. ويكون هذا فعلا صدقا من قلبك - 00:30:08

وهذا الصدق والاخلاص سيظهر في افعالك. فلا تحدسني عن شخص كسلان بطال مقصري في الصلاة مقصري في الصيام مقصري في  
اعمال الخير مقبل على المعصية مدمى مدمى مخدرات مدمى سجائر متبرجة ثم هو يمني نفسه صباح مساء بالخاتمة -  
00:30:31

الجميلة السعيدة. هيهات هيهات. هذا كمن يعني نفسه بزرع بدون حرص وبدون مطر. وكمان يعني نفسه بالولد بدون زواج لازم يا  
جماعه ايه ده! ده النبي عليه الصلاة والسلام قال للصحابي اللي طلب منه يدعى لي بالجنة. قال له ادعى لي بالجنة. كان ممكن يدعى  
له بالجنة وتخليص. بس عايز يعلمه ان هي مش آآلازام - 00:30:51

حاجة منك برضو. لازم حتة منك ربيعة بن كعب الاسلامي معروف. فقال يا ربيعة سلني ما شئت. قال اسألك مرافقتك في الجنة. سهل  
قوي كان يقول وخلاص لأن لازم اعلمك لازم حتة من عندك. العملية مش بالتمني ولا مجرد انا ايه بقول كلام حلو وبكتب بوسائل حلوة  
- 00:31:14

قال اعني ساعد نفسك على نفسك بكثرة السجود. الاخلاص والصدق هيبيان افعالك واقوالك في القرارات اللي هتاخدها دلوقتي حالا  
من بعد الالايف دوت ازاي من النهاردة ساصنع لي خاتمة فاخرة فاخرة - 00:31:34

حتى لو مت موتة صامتة. هموت وانا ربنا راضي عنى. ما فيش مشكلة. بس انا مستحيل ان شاء الله ان شاء الله حسن زنى بالله انا لن  
اموت ميته سيئه ابدا. وساعمل - 00:31:53

ذلك اعمالا كثيرة من اليوم وسأترك ما اقدر عليه من الذنوب والمعاصي. واتقي الله قدر المستطاع. وازيد في التواضع واقل من  
المكرهات انا حضر بحضر لان حسن الخاتمة يا جماعة انا بسمها زي ما انت عارفين مكافأة نهاية الخدمة - 00:32:03  
دي مكافأة نهاية الخدمة. الذين قال يثبت الله الذين امنوا. امنوا ها؟ بالقول الثابت في الحياة الدنيا في الآخرة ويضل الله الظالمين

وي فعل الله ايه؟ ما يشاء. اول حاجة الاخلاص - 00:32:21

نمرة اتنين ان تجعل سرك افضل من العلانية. ياه لو عرفت اعمل دي لو عرفت تعمل دي انت خلاص كده خاصة لو على نيتك كويسيه يعني. يعني طبعا لو علانيةتك وحشة ما بنتكلمش عن كده. كلم واحد على نيته كويسيه. الناس تعرف عنه خير. لا - 00:32:35  
انا عايز اللي ما يعرفهوش اكتر من اللي يعرفوه يعني لو انت بتصللي الفرض قدام الناس في المسجد ولازم تصلي في المسجد قدام الناس. بتصللي في البيت نوافل اكتر من ركعات الفرض - 00:32:55

لو انت في الدار بتقربي حزب ولا في المقرأة بتقرأي حزب وسط الاخوات مع نفسك بتقرأ جزء وجزئين ما حدش يعرف عنهم حاجة وبتقومي لو الناس تعرف عنك صدقة في صدقتيين ما يعرفوهاش - 00:33:10  
لو الناس تعرف عنك آصلة رحم فيه صلتين ما يعرفوهاش. لو الناس تعرف عنك اخلاق حلوة في اخلاق ما بيشوفوهاش دايما جوة واللي انت بتطلعه بينك وبين ربنا اكتر من الناس تعرفه - 00:33:26

حياتك مش هينفع تكون بوسطات. حياتك مش هينفع كلها نشوفها فيديوهات. حياتك ما ينفعش كلها تبقى منشورة صور على الليف. صور على السوشيال اجعل لك خبيثات خبيثات من اعمال صالحات. زي ما ذنوب الخلوات سبب لانتكاسات. كذلك طاعات الخلوات والخبيثات - 00:33:43

سبب للثبات وحسن الخاتمات اجعل سرك خيرا من العلانية. كان يقولون عن الامام ما لك الامام ما لك فخم. كانوا يقولون كنا نرى ان ما لك رحمه الله تعالى ليس كثير الصلة ولا كثير الصيام. ولكننا كنا نرى انه ارتقى - 00:34:02  
بسيرة بينه وبين الله يعني بيقول الامام مالك ما كانش حاجة جامدة قوي في الصلة والصيام يعني فيه احسن منه. وفيه ائمة اكتر منه في العبادة. لكن ليه هو عدى كده - 00:34:25

قالوا لان بينه وبين الله ايه سر سر بينه وبين الله سبحانه وتعالى في سيرة فاجعل بينك وبين الله سيرة. ما اجمل الخبيثات! وما اجمل الاعمال الخفية من استطاع منكم في الحديث من استطاع منكم ان يكون له خباء خباء من عمل صالح - 00:34:36  
فليفعل وزي ما الخواتيم السيئة سببها دسيسة ودفينة خبيثة في نفس الانسان. كذلك الخواتيم الحسنة سببها دسيسة ودفينة جميلة من العمل الصالح والعمل السري والصدقة السرية والصلة في جوف الليل والذكر اللي ما حدش يعرف عنه حاجة والاخلاق اللي ما حدش اللي هي - 00:34:56

اكتر بكثير من الناس بتشفوها حاول انشغل بنفسك شوية مش كل حاجة بتعملها لازم نشوفها. مش كل ما تعمل طاعة تعرفنا. مش كل ما تعمل خير لازم كل الناس تعرفه بالصور بالفيديوهات بالنشر - 00:35:19

مش لازم خبي كتير اللي تقدر تخبيه خبيه واللي زهر غصب عننا زهر ما هي صلاة الجمعة بتزهير وصيام رمضان بيذهير والحج بيذهير وال عمرة بتزهير. ما لهاش حل طب خبي بقى اللي تقدر عليه - 00:35:35

دعوات بينك وبين ربنا كتير. ساعات من الخلوة بينك وبين الله ما حدش يعرف عنها حاجة. اجزاء من القرآن خاتمات ما حدش يعرف عنها حاجة صدقات سر كفالات ايتام ما حدش يعرف عنها حاجة - 00:35:50

خلي لك سيرة اكتر من العلانية دي نمرة اتنين نمرة تلاته اجعل لسانك دائمًا رطبا من ذكر الله تعالى. واحنا مشكلتنا ايه يا جماعة في الخاتمة ان الموت بيأتي بغضبة. مش كده - 00:36:04

بفترة طب لو انا لساني على طول رطب. رطب يعني ما بينشفش. رطب ما بينشفش ده مجاز او كناية مع ان هو على طول شغال رطب من ذكر الله. فنحن على الانسان على طول بيذكر ربنا - 00:36:23

ملك الموت جالي في اي وقت خلاص ما فيش مشكلة. انا جاهز انا جاهز يجي لي في اي وقت هتلاقيني الوصية الرهيبة التي عليه الصلاة والسلام الراجل قال له اوصني - 00:36:40

قال له اوصني. قال له وصية واحدة بس ففعلا ادي له وصية. خلاصة الخلاصة. لان دي بتتضمن لك موتي فاخرة لا يزال لسانك رطبا من ذكر الله كان احد الصالحين بيحكي عن الشيخ ابن باز يقول قعدت جنبه وهو بياكل. فكان - 00:36:53

ياكل اللقمة يقول باسم الله. يخلصها يقول الحمد لله. ييجي ياكل تاني يقول باسم الله. يخلص اللقمة يقول الحمد لله. فالراجل قال له هو لازم يعني هو المفروض ان احنا كل - 00:37:15

يعني كل مرة نقول باسم الله والحمد لله قال له مش لازم. قال له ولكن زكر واكل خير من صمت واكل هنشف يعنى هزكر ربنا وانا باكل احسن ما ما اقولش خالص. يعني اسكت. فيبيقول له مش لازم بس انا حاجة بعملها كده علشان لسانى على طول يفضل شغال بزكر - 00:37:25

نمرة اربعة اجعل يومك مزدحاما مزدحاما بالطاعة يومك يبقى مزدحاما بالطاعة. يبقى فيه برنامج يومي. شاغل لي الاربعة وعشرين ساعة. شاغلها لي نفسك ان لم تشغليها بالطاعة شغلك ايه؟ بالمعصية ان لم تشغليها بالحق شغلك بالباطل. خلي امك مشغول كده. مشغول. فيه بقى عبادة وصلة هنا - 00:37:43

وردي هنا ومراجعة هنا وقيام هنا وفي دورة محضرة هنا وفي درس بسمه بالليل وفيه كتاب عايز اخلصه فيه مزاكرة بنية صالحة وباروح شغلي بنية صالحة وبربي ولادي وبافسح ولادي باكل آآ زوجتي اعمل حاجات كتير - 00:38:15

خلي بالك من مشغول تحس ان ملك الموت جالك في اي وقت تمام تعالى بتصلني هيلاقيك بتقرأ قرآن هيلاقيك بتحضر درس هيلاقيك بتلاعيب زوجتك ما هو ده عمل صالح هيلاقيك بتربى ولادك عمل صالح هيلاقيك في الشغل - 00:38:32

بنية طيبة بتتقى الله في شغلك عمل صالح. هيلاقيك في مزاكرتك ناوي نية طيبة ما هو عمل صالح لكن لو يومك فاضي ما عندكش يوم ما عندكش برنامج يومي ما عندكش حاجة تشغلك هتبقى انت عندك احتمالين - 00:38:48

تقرا قرآن ويتسمى اغاني بتصلني وبتشرب سجاير. بتحضرى درس ويتلبسى بنطلون ضيق بتنزلني به في الشارع متبرجة ويتصلني. ليه دي هخلط ولما ملك الموت ييجي ايش ضام مني هييجي وانا بصل ايش ضامني مش هييجي وانت لابسة لبس آآ مش كوييس - 00:39:03

مش ضامنك هييجي لك وانت تسمع قرآن مش الغنا. مش ضامنك هييجي لك في المسجد مش في القهوة. خد بالك اشغل يومك اشغل نمرة خمسة حسن الزن بالله. دي سريعة. سريعة - 00:39:25

حسن الظن بالله دايما خلي عندك حسن زن بالله. زي شفت الصالحين دول كلهم اللي قلت لك عليهم؟ كلهم كانوا هم كانوا بيتكلموا بقلب ليه كده؟ هم يعرفوا الغيب ما يعرفوش. بس حسن زن بالله - 00:39:42

وادعي كتير بقى مع حسن الزن والعمل من حنك تدعى بقى زي ما انت عايز. قل يا رب موتنى وانا ساجد يا رب. بس بشرط كنت سجودك كتير. قل يا رب موتنى وانا بادعو الى الله. بس بشرط تكون فعلا بتدعوا الى الله - 00:39:55

قول يا رب اموت وانا بقرأ قرآن بس بشرط تكون تقرأ قرآن كتير قل يا رب اموت وانا وانا مسلا راكع. وانا بدي درس. بس تكون شرط تكون بتعمل كده كتير. اعني على نفسك. عايز تموت ازاي؟ عايز تموت على حالة - 00:40:09

انشغل بها طول حياتك. من عاش على شيء ايه مات عليه. يبقى عندنا حسن زن بالله مع دعاء كتير اخر حاجة تخفف من حقوق الناس تخفف من حقوق الناس تخفف من حقوق الناس - 00:40:27

مخ الناس تشمل ايه؟ الديون على قد ما تقدر. حاول ما تدانيش الا للضرورة القصوى مع ان انت تكتب الدين وتوصي به دايما نمرة اتنين الغيبة اياكم والغيبة. الغيبة هتورطك. مش هتلacci الشخص اللي ناس هتفتباهم وانت مش هتشففهم ولا هتعرف تعذر لهم ولا هتعرف تيجي - 00:40:46

هتورط نفسك الغيبة الظلم والفساد قطع الرحم قطع الرحم عقوب الالدين عقوب الالدين تخفف الناس اللي يقطعك يوصله. والدك والدتك مزعلاك بربها. والدك بره احنا بنعامل ربنا. بنعامل ربنا استحمل - 00:41:10

اعمل ربنا خلص انا مش عايز من الناس حاجة. مش هينفعوك ب حاجة انا بعامل ربنا باخد حسنات. انا عايز ابقى خفيف. عايز اعيش خفيف واموت خفيف. عايز يوم ما اموت ما حدش عايز مني حاجة - 00:41:34

يا بخط من بات مذلوم ولا باتش زالم. الناس بتقول كده يا بخط من مات مقتول ولا ماتش قاتل. خليك خفيف خليك عش في الحياة

خفيف. ما حدش عايز منك حاجة - [00:41:45](#)

ما حدش يوم ما مات ليه عندك حاجة خفيف موت خفيف نصيحة والله يا اخواني كان احده العلماء في زمن الامام النووي زمن الامام النووي وكان رجل عالم وراجل كان جميل وكل حاجة - [00:41:54](#)

بس كان عنده مشكلة كان بيشرتم الامام النووي وكان بيكرهه فلما مات اندلع لسانه. يعني طلع برة كده زي الخرفان ما عرفش ينطق بلا الله الا الله فقالوا كنا نرى ان الله قد فعل به ذلك بسبب وقيعته في الامام النووي - [00:42:10](#)

كنا نرى ان الله فعل به ذلك بسبب وقيعته. في الامام النووي اياك تشتمن شيخ ولا عالم خلي بالك الواقعية في الناس خفف نفسك على قد على قد ما تقدر. شفنا اتكلمنا النهاردة في الموضوع ده قلنا ايه كم نصيحة؟ اخلاص سر اعلى من العلانية - [00:42:32](#)

لسانك قرأت من ذكر الله برنامج اليوم والليلة حسن الزن بالله مع الدعاء تخفف من حقوق الناس والعكس خلي لك عند الناس كتير بقى بركتير صلة كتير آآ صدقات كتير. سلف انت - [00:42:49](#)

مش انت اللي بستخلف ارفع الظلم عن المظلوم. حاول تقلل الفساد وتحمي تدفع الظلم عن المظلومين العكس بقى اقول لكم اخر حاجة وحقفل على طول كان احده المشايخ وده واقعة حصلت قريبا يعني - [00:43:06](#)

بيقول انا رحت العمرة فكان معنا واحد في العمرة آآ كان راجل طيب وكل حاجة بس كان مدخن يعني بيشرب احيانا سجاير يعني فيبيقول عادي هو كان راجل كوييس في كل حاجة بس كان ايه كنا بنأخذ عليه دايما نقول له خلي بالك التدخين وبتاع احنا في العمرة وملكة - [00:43:23](#)

ما بيقول كنا في ليلة سبعة وعشرين ليلة سبعة وعشرين ليلة سبعة وعشرين. فانتم عارفين الناس بتصلني جنائزات كل صلاة في مكة فيه جنائزات. فالهمم ليلة سبعة وعشرين قال الصلاة على الميت - [00:43:41](#)

رحمكم الله. العادة النبوية بيقول الصلاة على الایه؟ على الاموات الصلاة على الميت هو واحد بس في ليلة سبعة وعشرين وواحد بس اللي مات؟ او واحد بس في ليلة سبعة وعشرين اللي مات - [00:43:56](#)

فيبيقول انا انا استغرقت قلت ياه! واحد في ليلة سبعة وعشرين دي اللي فيها مسلا اتنين ثلاثة مليون بيصلوا في رمضان في مكة في الحرم فالشيخ بيقول انا دماغي راحت مين ده الجميل ده اللي بنصللي عليه - [00:44:10](#)

رجع دماغه بقى مشغولة راجعة للفندق فيبيقولوا له آآ شيخ آآ مش مش تقول الحاج محمد الله يرحمه. قال لهم الحاج محمد مين قالوا له ما انت صلينا عليه دلوقتي - [00:44:26](#)

بيقول الحاج محمد مين؟ قالوا له اللي احنا صلينا عليه دلوقتي في ليلة سبعة وعشرين قال لهم الحاج محمد حاج محمد حاج محمد اللي بيشرب السجاير فيبيقول هنا دماغي وقف - [00:44:44](#)

دماغي وقف قلت اكيد الرجل ده وراه سر وانا مش هدأ لغاية ما اعرفه. بيقول انا رحت سألت على البلد اللي هو ساكن فيها. سأل على البلد اللي هو ساكن فيها - [00:44:57](#)

وسافر له سافر البلد دي وراح لغاية ما وصل بيته وراح وسأله عليه. الرجل ده بيعمل ايه هيتجن كل الناس اجمعت على حاجة واحدة حاجة واحدة قالوا عمرنا في حياتنا. عمرنا في حياتنا ما شفنا حد بار بامه زي الحاج محمد - [00:45:13](#)

بيقول لما كانت تعوز حاجة اي حاجة مهما كانت لازم يجييها لها مرة جاب لها جزمة لا مؤاخذة جزمة. هدية كان عزاهما وراح بيقولوا نزل تحت رجليها وحط الجزمة فوق دماغه وقال لها يا امي خدي الجزمة من فوق دماغي - [00:45:40](#)

وكان بيبيوس رجليها في نفس الوقت امه كانت بتحب تشووف الدبيح في في العيد الكبير بتحب تشووف الخروف وهو بيتدبح. فكانت بتنزل في العادة تشووف الدبح وتطلع البيت. لما خبرة تعبت - [00:46:01](#)

ما كنتش قادرة ان هي تنزل السلم. تشووف في الدبح وتطلع يعمل ايه الحاج محمد؟ شال الخروف على كتفه وطلع به السلم لغاية ما وصل لامه. ودبخ الخروف قدامها علشان تشووفه - [00:46:18](#)

وبعد كده شاله ونزل به تاني شفاه تحت زي ما بنقول تخفف من حقوق الناس خلي بالك من قطع الرحم خلي بالك خلي بالك خلي

بالك بنقول لك زود معاملتك الحلوة مع الناس في اخلاقك في برك في صلتك - 00:46:34

في سلف انت الناس اعمل حاجات جميلة بس مش هطول عليكم اكتر من كده كفاية اتمنى من الله سبحانه وتعالى انه يعسلني واعسلكم. ويرضى عنكم ويجمعنا على الخير دايما. ويرزقنا حسن الخواتيم - 00:46:51

ويمن علينا بطاعة وعبادة ترضيه سبحانه وتعالى. وانا والله بحبكم في الله. والله بنصحكم من قلبي. والله اتمنى لكم مسل ما اتمنى لنفسي وارجو لكم الخير واوصيكم ونفسي بتقوى الله. وما تمشوش يا جماعة في الدوامة مش عشان الناس كلها بتعمل غلط نعمل غلط. والله هتتحاسب وحدك. والله - 00:47:07

والله هتقف قدام ربنا لوحدك. ما حدش هينفعك في قبرك خالف الناس استحمل التأنيس استحمل السخرية قاوم انت في الآخر الكسبان او الخسران ما حدش هيزيديك ولا هيقللوك. ربنا يرضيكم يا رب ويحبكم. انا اتمنى يكون الفيديو دوت. واللايف دوت يعني لاقى عندكم آآ نفع واثر. وآآ - 00:47:27

اكتبوا لي بقى المواضيع اللي تحبوا نقولها في اللايفات اللي جاية. وانا هاقرأها ان شاء الله سبحانه وتعالى. وانشروا الفيديو لاحبابكم. وربنا يرضيكم يا رب يحبكم. ويا رب يتوب علينا وعليكم - 00:47:49

جزاكم الله خيرا السلام عليكم ورحمة الله - 00:47:59